

洪龜父集

洪

江苏工业学院图书馆
藏书章

父

集

四庫全書珍本初集

別集
集
類部

四庫全書
商務印書館受教育
部中央圖書館籌備
處委託景印故宮博
物院所藏文淵閣本

欽定四庫全書

集部三

提要

洪龜父集二卷

別集類二 宋

臣謹謹案洪龜父集二卷宋洪朋撰龜父朋字也南昌人兄弟四人號曰四洪皆黃庭堅之甥其弟羽以元祐中上書入黨籍芻紹聖中登進士靖康初官諫議大夫炎元祐末登進士南渡後官秘書少監惟朋兩舉進士不

第年僅三十八而卒然其人其詩則最為當代所推重豫章續志載黃庭堅之言曰龜父筆力扛鼎他日不患無文章垂世及其沒也同郡黃君著袞其詩百篇為集庭堅在宜州見其本又稱為篇篇可傳呂本中作江西宗派圖所列凡二十五人首陳師道次潘大臨次謝逸次即及朋紫微詩話又盛推其寫韻軒詩王直方詩話亦稱其一朝厭蝸角萬里

騎鵬背句劉克莊後村詩話復稱其游梅仙
觀詩能以直節期乃弟且稱龜父警句往往
為前人所未道惜不多見云云則朋雖終于
布衣其名在宋代且居三洪上矣陳振孫書
錄解題載有朋集一卷久無傳本故厲鶚作
宋詩紀事僅從宋文鑑聲畫集諸書摭得遺
詩數篇即江湖小集所載亦未為完備今採
掇永樂大典分體排比釐為上下二卷雖王

直方劉克莊所稱諸名句今悉不見全篇未免尚有佚脫然核黃氏所編僅一百首今乃得一百七十八首陳氏所載僅一卷今乃溢為二卷疑永樂大典所據之本別經後人綴緝續有所增約畧大凡其所闕諒亦無幾矣
乾隆四十六年九月恭校上

總纂官臣紀昀臣陸錫熊臣孫士毅

總校官臣陸費墀

欽定四庫全書

洪龜父集卷上

宋 洪朋 撰

五言古詩

送李元中

夙聞龍眠山綠羅隱淨
浦中有三李君若人年獨妙
心賞悵若道風明可同調
如何古豫章邂逅共一笑
佛海穿溪岸里屈到與交
名腕對壽江牀跼視雲嶠足
明青葱樹合在紅塵表
追隨杖屨遊浩蕩城郭眺觀乎大寧

作頗復近道要涼飈實疎葉行子動歸棹願君宗明德
慰我記末照

送謝無逸還臨川

東山謝安石事業照星斗佳人臨川秀自言乃其後昔
我未知子籍甚大江右邇來識君面風流故自有早歲
翰墨場揮灑不停手河發崑崙丘風怒土囊口春來入
詩壘窺杜陵戶牖筆力挾雷霆句法佩瓊玖起予虞帝
韶和汝秦人缶少年厲鋒氣鄙夫成老醜人才古所難

吾子定不朽清和四月夏銷黯一樽酒悠悠西峯雲閣
閣南浦柳平生六藝耕勿遣生稂莠鼓柁黃花秋慰此
長回首

送潘四十五

風邊藥氣濃煙畔柳枝弱惜許兩春事潘郎行色作維
南有岑嶺底處端州郭客子何當歸莫待蕉花落

奉諸同人餞潘氏兄弟賦鳳凰鳴矣于彼高岡

為韻得鳳字

維南斗日月川嶽上景光何人赤壁下種此雙截肪故
知汝南士蚤經許子將識君陟釐間想見頎而長僧夏
滕叔國胡牀對清揚膜外齊鵬鷃宵次明冰霜佛界獅
子尾妙處亦難忘西江渺波瀾索去有底忙挽衣不得
留晨風動餘皇頃投膠在漆今為參與商能事鏡中像
此道何足臧古來歸根地相期未渠央

游南汰寺

南汰舟楫遠北城阡陌長蓮界劃然開珍木蔭寬涼暝

投上方宿蝙蝠遶屋梁天風激遠林秋氣生寒螿喚起
曲肱夢佛寺宣道場像設儼古殿四角金琅璫夙聞阿
羅漢光怪發清揚有相乃虛妄此妙不易量勝槩令弟
俱茗盃對胡床商畧終宇宙已矣言可忘

賦雙劍峯

梅公小齋內度越幽人占何年孤山下得此雙石劍純
鈎魚腸姿拔地勢匪漸柙藏不忍窺往往發光燄丈人
夙好奇領略無一欠晚得此嶙峋顧盼未云厭此公活

國宵正直天所鑒高堂掛斯圖令人動深念

雪霽陪諸公登滕王閣分韻得閣字

醉乘筍輿歸餘興陟層閣其前俯長江其下壓城郭入
眼迭輝映積雪未銷鑠侵氛茲盪滌山川一恢廓瓊田
認洲渚璇樹花叢薄明明飛丹霞往往翔皓鶴俯仰一
神界今我胡不樂滕王已塵埃大屋舊丹雘人生何自
苦茲游行已昨吾聞水西峯中有洞宮脚洪崖升天去
僊聖時間作伊予千載裔未鍊八瓊藥孰能相與游更

議入廬霍

游天宮寺上方瑜道人出漫題

攝衣禪界中高步上方外乾坤更空濶川嶽謝埃塊行人杖屨底地與烟霞會道人遊四衢行止各無礙竹日弄清影松風聽寒籟心將萬化冥始覺斯游最

天宮寺

昨日頭岑臥何曾越門限徐侯遣行李邀我伊蒲饌天宮布金地長者何代建柴門實咫尺佛事亦儼煥道人

呈家風秋蔬更香飯玉麈對胡床涼飈颯河漢晚來上方上千里人縱觀平生蓬蒿底所適魚鳥願佳人贈我詩爛若錦繡段聖哲期暮年撫事一長嘆

晚同師川駒父玉父游大梵院小軒

山氣夕籠從川光暮澄凝櫺軒俯川嶽拄杖相與登脫屣就閒曠秉羽居高明盤礴飛鳶上揮斥蜿蜒虹橫令弟各英妙舌本淮湖傾朋也老無能前身雲水僧蕭蕭緣坡竹涼飈為我興執熱快一濯何必踏層冰

陪師川納涼大寧寺得綠字

六月維長夏炎熱不可觸車馬斷經過臥病適所欲
歛作城北遊佛界映空谷方塘荷氣清層軒竹陰綠徐侯
辨食事意豁忘羈束鳴蜩韻高寒涼颼盪煩促坐隱者
誰子飛電下碁局勝負吾不知靜嘯蔭喬木徙倚失日
車旋歸想雨足可令夜氣清更使年穀熟

城上

杖策城上頭初日破冥晦頗知春意還早覺寒事退風

前識西岑煙處認東匯人如旋磨蟻舟似覆杯芥鷁鶴
掠水涯簫鼓雜天籟便當杭清淺底事返闕闕

陪諸公步城北分韻得亦字

去月霜雪交咫尺澁如棘今朝雲霧散春氣恍如昔九
衢慰眼新百草隨意出俯仰亮有觀茲辰底空擲陶謝
何許教發興在郭北淨界集兩楹層閣倚百尺風日已
可人江山亦德色四睇感終古五字辨即席想見盤礴
地鮮飈生兩亦

見許慎書

良游不相待發玉三歎息